

## Téerëe d'Ébpi bíní Saḡ ra

### Kúnsëe

Saḡ fa na suu yen wonee bee ra, daa ri Saḡ fa non ðëewí iniilla bíníyú Uni Nebi Yéésú-Kiristaa ra. 'Di bíníyílté un éeyë kay, yulidte wa ðëewí bokuuy. Bee d'Éb d'É nék, ðëewë d'í bíní wë unna ra capuy. Bee ñee na ra, bíníyú ðëy íl jaḡi hom filið gin, d'í wona'te jaḡii baaha yaa-ow. Bee míllë' rë, bíníyú ðëyí hínú Gayus. 'Di fi Gayus fi baa nék daa na húmú habra' koy-yaayya filið ngémë, níi luka' yee ri yéeh wë rë sah, ndah gémë gém d'í rë.

Jamanii Saḡ bín fë, lahte ðëewí húmú kaa'uute biti Yéésú-Kiristaa acce feey hente ow. Wa tíkuté wonute biti ðal yii neða' ow mín paḡ, Koope ii rii haba' yin.

Yii baa daa tah Saḡ bíní ðëewë gémú Kiristaa na ra, na ðaat waa teeð wa daa Yéésú, na won wa biti wa pokoh kaaf ka.

Di wonte wa :

- yii lenke tílë' níiñ (1 Saḡ 1.7, 2.9-11),
- yii lenke túuyë'í hasa (1 Saḡ 2.3-8),
- yii lenke kaa'ohi Yéésú-Kiristaa (1 Saḡ 2.18-23),
- yii lenke di waðti pesuun koyyi Koope (1 Saḡ 2.28 níi 3.3),
- yii lenke di waðti fahaa ow koy-yaafi filið ngémë (1 Saḡ 3.11-18),
- yii lenke d'ee faha' Koope ow ra (1 Saḡ 4.7-21),
- yii lenke di nay faasuu pesi ëldúnë (1 Saḡ 5.1-5),
- yii lenke íña seedeyiru Yéésú-Kiristaa ra (1 Saḡ 5.6-12),
- yii lenke pesa na d'úmëh rë (1 Saḡ 5.13-21),
- yii lenke kaaf ka a fahanta' (2 Saḡ 1.4-11),
- yii lenke pesa'i Gayus kaaf ka (3 Saḡ 1.1-6),

- a yii leŋke di madu Joteref a Démétíríyús (3 Saŋ 1.9-12).

Bëyí fí jaŋi téeríi bee bééβ ay yúh di nay rii tílee filiβ éldúně fí beh, a di nay rii pesee a moroomi.

### *Una na ona' pes* da

<sup>1</sup> Koy-yaayyi yeh, mi bíní ron unni yee teeβi don yii leŋke Una na ona' pesa ra. Dalaana, Una húmú ně. Fun keltuute ri filoon fe, fun tíkúté rí íl ngěey, fun yeelute ri te ya' yi fun tíkěhté sun fi.

<sup>2</sup> Pesi baa feeñyohte, fun olute ri. Fun homu seedeyidi, fun na wonu yii leŋke pesee na d'úméh baa ra. Di húmú hěbís Boffa, te ri feeñyohte fun. <sup>3</sup> Yee olu fun, fun keltuute ri ra, fun homu woni don fi yaa ri, hen daa raa, don non fun na yen hen yíně, don non Boffa a Koy ka Yéesú-Kiristaa na ti di nonuu fun waa na nen. <sup>4</sup> Don ot fun bíní ron unni yeh, fun saamu biti sosi keeñni fun mit sěk.

### *Til neβa' niiñ*

<sup>5</sup> Una liilu fun Yéesú-Kiristaa, fun na wonu ron ri ra daa ri beh : « Koope niiñ koceec, yii ñúussé ính d'ii na. » <sup>6</sup> Yen won biti yen nonu d'ii na, yen anti pesuun ñúus rěe, d'eeβ yen felu felo, yen ñeyuy kaaf ka. <sup>7</sup> Yen pesuun niiña ti di homa' d'í fi Koope niiña nen raa nék, d'eeβ yen henute yíně hanndal ki yen, ñif mi Yéesú Koohi hosse bakaad' d'í yen bééβ.

<sup>8</sup> Yen won biti yen lahuy bakaad' daa, d'eeβ yen nofuute affi yen, yen yíih kaah. <sup>9</sup> Hena biti raa nék yen tahute biti yen bakaarute, yen d'úhíd' d'í búkkí yen raa, yii βosi hom yen na bééβ, Koope ay yen d'ii baal, ladil yen. Koope júβpé te yii won d'í bééβ paŋ d'í. <sup>10</sup> Yen won biti yen bakaaruy raa, d'eeβ yen tíkúté Koope feloh, te unni haalay keeñni yen.

## 2

<sup>1</sup> Don fi koyyi so', don ot mi bíní ron unni yeh, nda don banti bakaad. Ndaa tíl ní lah bëyí bakaad don na raa, yen lahute bëyí nay yen layre fíi Boffa : daa ri Yéésú-Kiristaa, di fa júb dë. <sup>2</sup> Di fi Yéésú-Kiristaa fi baaha daa yera' afi sarah nda yen baalu bakaadfi yen. Af yen neh kep daa tah di yera' afi sarah, ndaa af bëewë ëldúnë bëéëb.

*Túuyë'í hasa*

<sup>3</sup> Yii bee daa teeë yen biti yen yúhúte Koope : ñeya ñeyu yen túuyë'í yí Koope ra daa teeëba' baaha. <sup>4</sup> Bëyí won biti yúh Koope te deef di na ñeyeh túuyë'í yí rëe nék, bëyí baa feloh, yéeh kaah. <sup>5</sup> Bëyí ñee woni Koope raa nék, deef faha' i Dani Koope mitte sëk. Yii baa daa teeë yen biti yen pokuute Koope na. <sup>6</sup> Bëyí fí won biti pokohte Koope na, wađti pesaa deee pesa' Yéésú rë.

<sup>7</sup> Don fa faha' mi ní faha' yee ra, túuyë'ë bíní mí ron bee ra has neh ; di túuyë'í maañce, bi don liilute ri dalaanin. Túuyë'í baa daa una mësúu ron keloh ra. <sup>8</sup> Di filië fi baaha bëéëb, lahte yin has filië túuyë'ë bíní mí ron bee ra. Kaaf ka hom na ra feeñce Yéésú në, feeñce don na bal. Yee teeëba' ri ra daa ri biti ñúusë hompe gét te niñi kah-kah fa acce ní wocce.

<sup>9</sup> Bëyí fí won biti pesa' niñña te deefa faheeh tík koy-yaafee ke ri filië ngémë íl, deef di lís ñúusë. <sup>10</sup> Bëyí fí faha' koy-yaafee ke ri filië ngémë nék, deef di pesa' filië niñña, te lahay yii mín díi bëk bakaad. <sup>11</sup> Bëyí fí fahaay tík koy-yaafee ke ri filië ngémë íl nék, deef di aa ñúusë ; di tílë'í ñúusë, yéeh tígë në saañ di ra, ndah ñúusë búumílté rí.

<sup>12</sup> Don fi koyyi so',  
don ot mi bíní ron unni yeh,  
biti bakaad don baalute ron

ndah Yéésú-Kiristaa.

<sup>13</sup> Don ot mi bíní don fi baappi yeh,  
biti don yúhúte

Ǿée' hómú ně dalaana ní a Ǿee ra.  
Don ot mi bíní don fi wahambaane ya  
a cafayyi yeh,  
biti don Ǿagute Seytaane.

<sup>14</sup> Don ot mi bíní don fi tunŋi yeh,  
biti don yúhúte Boffa.

Don ot mi bíní don fi baappi yeh,  
biti don yúhúte  
Ǿée' hómú ně dalaana ní a Ǿee ra.  
Don ot mi bíní don fi wahambaane ya  
a cafayyi yeh,  
biti don maanute filiǾ ngémě :

Unni Koope ee don na,  
te don Ǿagute Seytaane.

<sup>15</sup> Ngěné fěhíi Ǿldúně ní luka' iña filiǾ. Běyi fí faha' Ǿldúně, mínéh faha' Baap-Koo, <sup>16</sup> ndah iñi Ǿldúně daa wa yeh : paŋ yii Ǿosi meela' faannon, faha' yii fu ot Ǿi, a gaan-gaanloh af iñi feey fi beh. Te iñyaaha ǾéeǾ kolaay Boffa na, wa kola' Ǿldúně. <sup>17</sup> Ǿldúně a iña neǾa' ow filiǾ Ǿa ǾéeǾ hompe Ǿúm, ndaa Běyi fí paga' yii neǾ Koope ay pes faraah.

### *Kaa'ohi Yéésú-Kiristaa*

<sup>18</sup> Don fi koyi so', yen homute míllēen jamanu ! Don keluute biti kaa'ohi Kiristaa ac ayo maan ? Tígě homuu yen bee ra kep, caakke kaa'oh yi Kiristaa yi ayute. Yii baa daa teeǾ yen bitu yen homute míllēen jamanu. <sup>19</sup> Wa fi yaa koluu yen na, ndaa nagajek wa nēníh yen na. Wa nonun yen na koon, wa tasun yen na. Ndaa míntí hena Ǿaaha, nda lan bitu ow yíně sah waa na noneh yen na. <sup>20</sup> Don nék, don liilute Ruuh-Peseŋ Běyi selaa na, daa tah don ǾéeǾ

ᄁon yúh kaaf ka. <sup>21</sup> Don ot mi bíní ron nék, biti ᄁon yíh kaaf ka yúhë neh. Yúhë yúhú ron kaaf ka ra kay daa tah mí bíní ron ! Don yúhúté biti ᄁal fel a kaah míníh ñéeré'.

<sup>22</sup> Kon daa feloha ? Daa ri ᄁëe' kaa' ra, ᄁëe' won biti Yéésú Buura Koo fal ri ra neh. Bëyí baa daa kaa'ohi Kiristaa ! Di boolla' Boffa a Koy ka ᄁééᄁ kaa'a'te, <sup>23</sup> ndah ᄁëyí kaa' Koy ka, kaa'a'te Boffa, te ᄁëyí tah Koy ka ᄁeef tahte Boffa ᄁal.

<sup>24</sup> Daa tah mi won ᄁon tee : pëkíi ña keluu ron dalaanin ᄁa. Don pokoh ña keluu ron dalaanin ᄁa raa, ᄁon ᄁal ᄁon ay pokoh Boffa a Koy ka na. <sup>25</sup> Kiristaa gappe yen biti nagajek ᄁi ay yen on pesa na ᄁúméh rë.

<sup>26</sup> Bëewë na fahuu múuyᄁí ᄁon ra daa tah mi bíní ron ñnyeh. <sup>27</sup> Ndaa ᄁon nék, mi yúhté biti Ruuha liilu ron Kiristaa na ra pokohᄁe ᄁon na, tahte níi sohlaay ow teeᄁle ron. Ruuha daa na teeᄁ ᄁon yin ᄁééᄁ. Di teeᄁa' yii hente kaah, na yéeddéh yii hente fel. Kon pëgí yee nah ri ron ra : hémí ᄁon pokoh Kiristaa na.

*Dee waᄁti pesuun koyyi Koope ra*

<sup>28</sup> Mi won ᄁon tee koyyi so' : hémí ᄁon pokoh Kiristaa na, nda yen lëhíh dara yii sídúun yen biti ri nimil. Hen ᄁaaha raa, yen ii húl a sopoh fíyí yiin fi baaha. <sup>29</sup> Don yúhúté biti Kiristaa júᄁpé, kon ᄁon waᄁtee yúh biti ᄁëyí fí tíl kotti júᄁpé, ᄁeef ᄁi koy Koope ᄁal.

### 3

#### *Koyyi Koope*

<sup>1</sup> Koy-yaayyi yeh, ëlí ᄁee faha' yen Boffa ra kan ! Di faha' yen fahoo níi tahte yen na dëekúu koyyi Koope, te yen koyyi ᄁal ! Bi ᄁëy ëldúnë yíh Koope, daa tah wa yíh yen. <sup>2</sup> Don fa faha' mi níi faha' yee ra, yen henute koyyi Koope níi wocce. Di nay yen made fayu nék, feeñiyuy

yen nii lante doom, ndaa yen yuhun biti yiin nay feeniye  
 Koy Koope ra, yeni nay made ndah yen ay ot di man di.  
 3 Te ðeyi fi tik yaakaari yii baa Koy Koope na, bukuta' afi  
 bukutoo, deke' lan ti di lada' di fi Koy Koope nen.

4 ðeyi fi bakaad nek, deef di kaa' ñee woni Koope, ndah  
 bakaad daa ri kaa' ñee woni Koope. 5 Don yuhute biti  
 Yesu-Kiristaa ac hosi bakaad di yen, te di fi baa bakaad  
 inih dii na. 6 Yii baa tahte nii ðeyi fi pokohte dii na, na  
 bakaareh ; ðeyi fi deke' bakaad nek, deef teeba'te biti  
 olay Yesu-Kiristaa te yeeh ri.

7 Don fi koyyi so', ow ðanay ron muuyid ! ðeyi fi paŋ  
 yii jubpe, deef ðeyi baa jubpe ti di jub' Yesu-Kiristaa  
 nen. 8 Bee' deke' bakaad da non ðewi Seytaane, ndah  
 Seytaane dal bakaad dalaanin nii a ðeh. Koy Koope nek  
 ac yahi legéy Seytaane !

9 ðeyi fi hente koy Koope, na dekeeh bakaad ndah yee  
 hom Koope na ra daa hom dii na. Koope daa Boffi raa kay,  
 di minéh deke' bakaad ! 10 Yii bee daa na teeba' ðeyi hen  
 koy Koope a bee hen koy Seytaane na ra : ðeyi na dekeeh  
 paŋ yii jubpe mbée fahaay koy-yaafee ke ri filið ngémè,  
 noneh koyyi Koope.

*Ow wadti* fahaa koy-yaafi filið ngémè fahoo

11 Nagajek, una keluu don dalaanin ra daa ri beh : yen  
 fahantuun hanndal ki yen. 12 Yen ðanuy mada' Kayeð<sup>☆</sup>  
 múk ! Di humú non ðewi Seytaane bëempé koy-yaafi. Yi  
 tah di bëem di nek ? Biti pagad di wuneh te yi koy-yaafa  
 humú jubpe daa tah di bëem di.

13 Koy-yaayyi yeh, dara waray kún affon biti ðewè  
 feey fi bee kaa' don. 14 Faha'a fahantuu yen da daa teeð  
 yen biti yen koluute kúl ké, yen ayute pesa. ðeyi fi fahaay

☆ 3:12 3.12 Saame Dalaana 4.1-16

koy-yaafee ke ri filiḅ ngémë, ḁeef ḁi pokoh kúl kë. <sup>15</sup> Bëyí fí fahaay tík koy-yaafee ke ri filiḅ ngémë íl ḅééḅ, ḁeef ḁi bëemëh ow. Te ḁon yúhúté biti bëemëh ow lahay pesa na ḁúmëh rë. <sup>16</sup> Yii bee daa teeḅ yen ḁee waḁti fahaa ow koy-yaafi ra : Yéésú-Kiristaa yera'te ñiiní ndah yen. Kon yen warutee yera' ñiinní yen ndah koy-yaayyi yen. <sup>17</sup> Lah ḅëyí caakla'te anti ot koy-yaafi laheh yin, ḁi faaliyeeh ri raa, ḅëyí baa ay mínúu won biti ḁi faha'te Koope ḁíh ? <sup>18</sup> Mantee ḁon fi koyyi so', yen fahanta' hanndal ki yen : won a búk rek teeḅaay faha' ow ; koloh paŋ kep daa mín teeḅa' faha' ow kaah.

<sup>19</sup> Yen hena' ri ḁaaha raa, yii baa daa nay yen teeḅe biti yen nonu ḅëy kaaf ka, te affi yen ay took biti yen home ḁaŋ Koope. <sup>20</sup> Wuti affi yen tookay ndah pagaḁḁi yen raa, yen yúhún biti Koope luk yen lah yermaande, te ri yúh ḅééḅ. <sup>21</sup> Don fi yee faha' mi níi faha' yee ra, affi yen took raa nék, yen ii sídë' biti yen ḁage Koope. <sup>22</sup> Di ay yen on yii yen ḁaŋ ḁi ri ḅééḅ, ndah yen ñeyuu túuyë' yí te yen paguu yii neḅa' ri. <sup>23</sup> Yee túuy ḁí yen ḁa daa ri beh : yen gém Yéésú-Kiristaa Koochi na, te yen fahanta' hanndal ki yen ti di naha' ri yen Kiristaa nen. <sup>24</sup> Bëyí fí ñee túuyë' yí Koope, ḁeef ḅëyí baa pokohte Koope na te Koope pokohte ḁii na. Yii bee daa teeḅ yen biti Koope pokohte yen na : Ruuh-Peseŋ fa on ḁi yen ḁa daa teeḅa' baaha.

## 4

### *Yonente yi paḁḁah ya*

<sup>1</sup> Don fa faha' mi níi faha' ra, ngënë gëewí gém ḅëyí won ḁon biti Ruuh-Peseŋ ee ḁii na. Lah síkíríí rí a nuf, ḁon ay yúh nda Ruuhi Koope ee ḁii na mbée íníh ḁii na, ndah yonente paḁḁah caak tasaaruute feey fa. <sup>2</sup> Yii bee daa na teeḅa' ḅëyí Ruuhi Koope ee ḁii na : ḁi won biti

Yéésú-Kiristaa acce hente ow raa, d̄eef Ruuhi Koope aa ðëyí baa na. <sup>3</sup> Ndaa ðëyí fí kaa' yii baa Yéésú n̄ë, Ruuhi Koope ínîh ðëyí baa na, bi kaa' ohi Kiristaa daa d̄ii na. Don húmú keluute bití kaa' ohee ke Kiristaa baa ac ayo neh a ? Tígë homuu yen bee ra kep, d̄i ee ëldúnë nék.

<sup>4</sup> Ndaa d̄on fi koyyi so', d̄on nonu ðëewí Koope te d̄on ðagute yonente yi paɗɗah ya, ndah Ruuha hom d̄on na ra luk bee hom wa fi yaa nonu ðëy feey fi bee ra doole. <sup>5</sup> Wa fi yonente yi paɗɗah ya, wa ðëy feey fi beh. Yii baa tahte gonli wa ðéeɓ yulla' yii neɓa' ðëy ëldúnë te ðëewë nonu ëldúnë rë daa na síkírúu wë. <sup>6</sup> Yen nék, yen nonu ðëewí Koope. ðëyí fí yúh Koope ay yen síkírëh ; ðëyí noneh ðëewí Koope ii yen síkírëh. Yii baa daa nay teeɓee Ruuhi Koope fa na yeñ ow kaah ra a Seytaane fa na múuyíɗ ow ra.

### *Di na fahuu*

<sup>7</sup> Don fa faha' mi níi faha' ra, yen fahantuun hanndal ki yen, ndah faha' kola' Koope na. ðëyí fí faha' moroomi, d̄eef d̄i koy Koope te ri yúh Koope. <sup>8</sup> ðëyí fí fahaay moroomi nék, d̄eef yéeh Koope ndah faha' ow teem Koope na. <sup>9</sup> Koope teeɓa' bití ri faha' te yen d̄eh : d̄i cépíɗté Koy ka laha' ri yínë kut d̄a feey fa, nda yen ñeya' d̄ii na, yen lah pesa na d̄úméh rë. <sup>10</sup> Faha' gétëy beh : yen neh daa fahuu Koope faha'a gén d̄ë. Di fi baa kay daa faha' yen faha'a gén d̄ë, wola' te yen Koohi hawute sarah nda yen baalu bakaad̄i yen.

<sup>11</sup> Don fa faha' mi níi faha' ra, Koope daa faha' yen d̄aaha raa, yen warutee fahanta' hanndal ki yen ɓal. <sup>12</sup> Ow ëllëy Koope ! Ndaa yen fahanta' hanndal ki yen d̄aa, daa ri bití Koope pokohete yen na, te faha'a faha' ri yen d̄a feeñce yen na níi mitte s̄ëk.



<sup>13</sup> Yii bee daa teeḅ yen biti yen pokuute ḁii na ḁi pokohte yen na : ona on ḁi yen Ruuha ra daa teeḁa' baaha. <sup>14</sup> Te fun olute, fun seedeyute biti Boffa wolte Koy ka sēml'í ḁëy äldúnë. <sup>15</sup> Ḃëyí fí won biti Yéésú Koy Koope, ḁeef Koope pokohte ḁii na, te ḁi pokohte Koope na. <sup>16</sup> Yen nék, yen yúhúté te yen gémúté biti Koope faha'te yen. Ahanjay, faha' ow teem Koope na ! Ḃëyí fí faha'te ow pokoh na, ḁeef ḁëyí baa pokohte Koope na te Koope pokohte ḁii na.

<sup>17</sup> Faha'i yen ow mit sēk rēe, yiin bis-kēem, yen ay wēel'iyēh affi yen, ndah ḁeef ḁee pesuu yen feey fi bee ra a ḁee pesa' Yéésú-Kiristaa ra daa madu. <sup>18</sup> Faha' na ñéeréeh a neeh ; faha' mit sēk rēe, bota' neeh botoo. Ḃëyí fí neeh, ḁeef séentēh daan, te faha'a faha' yen Koope ra feeñay ḁii na ní mitte sēk.

<sup>19</sup> Yen nék, Koope daa ḁéḅ yen faha' daa tah yen faha' ḁani ḁëewē ḁééḁ. <sup>20</sup> Ḃëyí fí kaa' koy-yaafee ke ri filiḁ ngémë anti won biti faha'te Koope ḁeef ḁëyí baa fel felo, ndah ḁëyí fahaay koy-yaafee ke ri tík ḁí il rē, mínéh faha' Koope fa ḁi tíkëy rí il rē. <sup>21</sup> Túuyë'ë helid' yen Kiristaa ra daa ri beh : Ḃëyí fí faha' Koope waḁtee faha' koy-yaafi ḁal.

## 5

### *Di nay faasuu pesi äldúnë*

<sup>1</sup> Koy-yaayyi yeh, ḁëyí fí gém biti Yéésú daa Buura Koo fal ri ra, ḁeef ḁëyí baaha koy Koope ; te ḁëyí faha' baap ḁeef faha'te koyyi. <sup>2</sup> Yii bee daa teeḅ yen biti yen fahuute koyyi Koope : faha'a fahuu yen Koope, yen na ñeyu túuyë' yí rē daa teeḁa' baaha. <sup>3</sup> Nagajek, yen faha' Koope raa daa ri biti yen ñeyuu túuyë' yí. Túuyë' yí misikay, <sup>4</sup> ndah ḁëyí fí hente koy Koope rek, fu faasse pesi äldúnë. Yee tah yen

faas pesi äldúnë rë nék, ee ngémí yen. <sup>5</sup> Kon daa faas pesi äldúnë henay ðëe' gém bití Yéésú Koy Koope ra ?

*Iña seedeyu sun fi Yéésú-Kiristaa ra*

<sup>6</sup> Yéésú-Kiristaa daa ðëe' aya' muluð a ñif ra. 'Di ayay a muluð doŋ, ndaa ði aya' muluð a ñif. Ruuh-Peseŋ seedete yii baaha, te ði fi Ruuh-Peseŋ daa kaaf ka. <sup>7</sup> Kon seede ya henute éeyë : <sup>8</sup> Ruuha, mulaa a ñif ma, te wa fi éeyë yë ðééð daa boku una yínë. <sup>9</sup> Hém ow daa na won iña ot ði, yen gém rí rëe kay, assumaa wonni Koope neh, yee seedeyið ði Koohi ra ! <sup>10</sup> Daaha, ðëyi fí gém Koy Koope na, kúðté seedii baa ðii na ; ndaa ðëyi gémëy Koope, ðeef yampe ri fel ndah ði gémëy yee won Koope sun fi Koohi ra. <sup>11</sup> Yee wonu ra daa ri beh : Koope onte yen pesa na ðúméh rë, te pesi baa ee Koohi na. <sup>12</sup> ðëyi fí non Koy Koope na, lahte pesa ; ðëyi fí noneh Koy ka na nék, lahay pesa.

*Pesa na ðúméh rë*

<sup>13</sup> Don fa gémú Koy Koope ra, ðon ot mi won ðon unni yah, nda ðon yúh bití ðon lahute pesa na ðúméh rë. <sup>14</sup> Wëerté yen bití yen ðaŋ yii ñéerë'té a yee faha' Koope raa, ði ay naal nufi yen na. Yii baa daa tah yen yahti ðaŋ Koope raa, yen na sídíih dara ! <sup>15</sup> Kon wëer yen bití ði naalte nufi yen na raa kay, yen yúhún bití rek yen ay liil yee ðagu ri yen ra.

<sup>16</sup> ðëyi ot koy-yaafi filið ngémë paŋ bakaadi kúréh ow safara raa, ði ðagira ri, Koope ay on koy-yaafee ke ri baa pesa na ðúméh rë. Baa wonuu ðëyi paŋ bakaadi kúréh ow safara. Ndaa yaha bakaadi ay kúré ow safara raa, mi wonay bití ðëyi baa daa nay ðagiru ! <sup>17</sup> Yin ðos ðééð bakaad' naam, ndaa bakaad' ðééð neh daa na kúð ow safara.

<sup>18</sup> Yen yúhúté bití ðëyi fí hente koy Koope na bakaareh saye, ndah Koy ka kola' Koope na ra daa na níð ðí ní

Seytaane mínléh rí yin. <sup>19</sup>Yen yúhúté bití yen nonu ðëewí Koope te ðëy äldúníi bee Seytaane laha'te wa. <sup>20</sup>Yen yúhúté bití Koy Koope acce te daa ri on yen afa tah yen yúh Koope fi kah-kah fa ra. Yen henute yínë a Koope fi kah-kah fa af Koohi Yéesú-Kiristaa. Daa rii Koope fi kah-kah fa, daa ri pesa na ðúméh rë. <sup>21</sup>Mantee ðon fi koyyi so', mëytíi ala ya !

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 14 Jun 2022 from source files dated 13 Jun 2022

a3a1238b-9393-5875-a4c5-1d3f38537bfe